



Gaed fo Pacific Engagement Visa (PEV) aplikants:

Wat kaen waka nao iu savve faendim insait Australia?

Australia hem bik kandere wetem staka indastri en waka opotuniti akros long six fala steit blong hem en tufala teritori. Chois blong iu wea iu stap savve afektim waka iu bae savve chusim from, living kost, en statim ap expensis Disfala gaed provaedim ovaviu long difrent rigion fo helpem pipol lukautim waka

! Olketa mein tings-Ki tings fo tink abaot

Taem lukluk fo waka long Australia, hem helpful fo tink abautim oloketa folowing yia:

- **Lokeison o ples fo stap long hem:** Australia hem bik kandere, en oloketa steit garem diferent klaemet, komuniti, en indastri
- **Salari en kost blong living:** Samfala taon en steit garem moa waka opotuniti en bik pei, bata stap long dea bae savve moa expensiv
- **Komuniti:** Samfala eria garem big, establish Pasifik en Timores komuniti.

🌐 Moltikalchurul komuniti:

- Oloketa pasifik komuniti big lo Queensland, New South Wales en Victoria:
 - **Insait New South Wales**, oloketa Pasifik komuniti stap insait Blacktown, Liverpool, Campbelltown, Penrith en Canterbury-Bankstown
 - **Insait-Queensland**, Oloketa Pasifik komuniti meinli insait Logan, Brisbane, Ipswich, Gold Coast en Moreton Bay
 - **Insait Victoria**, Stongfala komuniti bae faendim insait Casey, Hume, Brimbank, Melton en Whittlesea
- Oloketa Timores komuniti meinli savve faendim oloketa insait Northern Territory en Victoria:
 - **Insait long Northern Territory**, oloketa Timores komuniti meinli insait Darwin en Palmerston
 - **Insait Victoria**, staka Timores komuniti savve faendim insait Brimbank, Wyndham, en Maribyrnong.

Kwik gaed fo oloketa Australian steit en teritori

🔄 Klaemet en komuniti konekson

- **Northern Territory (NT), Queensland (QLD), and Western Australia (WA):** Olketa steit yia garem tropikol klaemet semsem wetem oloketa pasifik en Timo-lest
- **Victoria (VIC), Tasmania (TAS) and South Australia (SA):** Oloketa steit yia garem kol klaemet, wetem fofala diferent sisons.

\$= Kost blong living en Pei

- **Haea prais blong living:** Sydney (New South Wales) en Melbourne (Victoria) garem staka waka opotuniti bata garem tu haea prais blong living
- **Haea Pei:** Regional erias insait Queensland en Western Australia staka taem ofarem haea pei fo atraktim olketa waka man o mere go long rimot lokeson, bata faendim ples fo stap long rimot eria savve had lelbet
- **Lowa kost lo living:** South Australia en Tasmania staka taem garem lowa kost lo living, bata samfala waka opotuniti nomoa aveilabol.

Waka maket akross Australia

Oloketa taep of waka iu savve faendim insait Australia difrent insait evri steit o teritori. Fo exampol, steit wetem staka maening (olsem WA, QLD, en NT) garem gudfala peid waka, bata iu bae nid fo waka insait rimot ples. Oloketa nara steit (olsem NSW, VIC, en Australian Capitol Teritori (ACT)) garem staka taep waka, bata staka pipol lukluk fo waka lo dea too.

Agrikalsa waka hem aveilabol nesionwaed, bata oloketa posison yia staka taem temporari o kasol.

New South Wales (NSW)



- **Mein taun:** Sydney
- **Ki indastri:** Weahaus en manufaktsa (Westen Sydney), hospitaliti en tuaritim (Eastern Sydney), oketa koperet ofis lo mein taun, eij kea en konstrakson (akross lo ful taun)
- Leba maket hem strong, minim staka waka aveilabol, bata rent nao bae savve expensiv, en kost lo living hem hae.

Victoria (VIC)



- **Mein taun:** Melbourne
- **Ki indastri:** Manufaktsa, heltkea, en ats en krietiv indastri
- Leba maket blo Viktoria hem aedentifae lo staka veikensi waka, meinli insait saintifik en teknikal sevis, driven from diferent en growing ekonomi.

Queensland (QLD)



- **Mein taun:** Brisbane
- **Ki indastri:** Tuaritim, maening, agrikalsa en heltkea
- Garem staka sisonol waka opotuniti, meinli insait olketa rurul eria. Haoeva, hem savve had lelbet fo faendim haus insaid rurul eria.

Western Australia (WA)



- **Mein taun:** Perth
- **Ki indastri:** Maening, oil en gas, agrikalsa, en tuaritim
- Hem garem staka rimot maen sait insaid Westen Australia, en samfala waka rikwaearem wakaman/woman fo flae in en aut. As a risalt, pei hem mait haea
- Hem garem strong dimand fo treid skil en teknikal rol. Haoeva, faendim haus insait rimot eria bae no isi.

South Australia (SA)



- **Mein taun:** Adelaide
- **Ki indastri:** Wain indastri, manufaktsa, heltkea en difens
- Saut Australia garem stebol waka maket wetem strong emploement insaid heltkea, riteil, konstrakson, edukeson en manufaktsa. Hem garem tu lowa kost long living den olketa nara steit en teritoris.

Tasmania (TAS)



- **Mein taun:** Hobart
- **Ki indastri:** Akwakalsa, tuaritim, hospitality en agrikalsa
- Hem garem smola waka maket en kolda klaemet, bata hem garem growing dimand fo heltkea wokus.

Northern Territory (NT)



- **Mein taun:** Darwin
- **Ki indastri:** Hem garem hae dimand fo Olketa wokus meinli insaid indastri, espesiali long maening en skil treid
- Leba maket blong Noten Teritori experiensim strong dimand fo maening, heltkea, en konstrakson wokus. Olketa emploea luk nao fo man/mere wish fo bildim karia insaid rijion.

Australian Capital Territory (ACT)



- **Mein taun:** Canberra
- **Ki indastri:** Gavman en pablik sevis waka Waka hem savve stebol bata mait rikwaearem univesiti kwalifikeson en samtaems Australian sitizenship.



Faendim aut moa abautim PEV Emploement Sapot
Sevis long pev.gov.au

Long websait blong mifala, iu savve explorem
moa risos, inkludim emploement fakt fael en
resume templets. Iu savve sain ap fo Emploement
Infomeson Seson tu fo lanem moa abaut faendim
waka insait Australia.

